

REMBAH BUKIT
Bar-winged Flycatcher-shrike

FAMILI: Campephagidae
NAMA SAINTIFIK: *Hemipus picatus*



CIRI-CIRI

Spesies ini biasanya menghuni bahagian atas kanopi hutan. Individu jantan sub-spesies *H.p.picatus* mempunyai bahagian atas badan yang berwarna hitam, bahagian bawah berwarna putih dan terdapat jalur putih yang panjang dan ketara pada sayap. Individu betina pula mempunyai bahagian atas badan yang berwarna coklat dan bahagian bawah badan yang lebih pudar. Bagi individu juvenil, terdapat jalur melintang yang berwarna kuning pucat. Pada sayapnya pula terdapat warna kuning pucat dan berjalur.

SAIZ

Panjang keseluruhan bagi individu dewasa adalah di antara 12.5 -14.5 sm.

MAKANAN

Serangga.

HABITAT

Habitat yang sesuai bagi spesies ini ialah di hutan dipterokarp, hutan daun luruh, hutan paya gambut, pinggir hutan, hutan sekunder dan hutan buluh hingga ke ketinggian 1, 830 m dari aras laut.

BUNYI

Spesies ini mengeluarkan bunyi *swit'i'wit-swit'i'wit*, *sitti-wittit* dan *sittititit*.

PEMBIAKAN

Musim pembiakan adalah di antara bulan Februari-Mei. Individu betina boleh menghasilkan di antara 2-3 biji telur yang berwarna putih kehijauan pudar dengan tompok hitam semasa musim pembiakan. Sarangnya berbentuk seperti cawan yang kecil dan dibina di atas dahan pokok, 3-12 m dari tanah.

STATUS

Akta 76/72, dilindungi sepenuhnya.